

MUPHLE UASUNG BUKCHA

Ashit Debbarma



Tribal Research and Cultural Institute,
Govt. of Tripura, Agartala

MUPHLE UASUNG BUKCHA

Ashit Debbarma



TRIBAL RESEARCH AND
CULTURAL INSTITUTE



978-93-86707-13-0

ISBN : 978-93-86707-13-0
Price : Rs 80/-

মুফ্লে ডাসুঙ বুকচা

ককবরক ককলব বিজাপ

(MUPHLE UASUNG BUKCHA)

A Collection of Kokborok Poems

By
Mr. Ashit Debbarma



উপজাতি গবেষণা ও সাংস্কৃতিক কেন্দ্র
ত্রিপুরা সরকার
আগরতলা

মুন্সে ডাসুঙ বুকচা

ককবরক ককলব বিজাপ

— অশিত দেববৰ্মা

১ম প্রকাশঃ ডিসেম্বর, ২০১৭ইং

ISBN : ৯৭৮-৯৩-৮৬৭০৭-১৩-০

গ্রন্থস্বত্ব :

উপজাতি গবেষণা ও সাংস্কৃতিক কেন্দ্র

ত্রিপুরা সরকার

মুদ্রণে : নিউ কুইক প্রিন্ট, ১১, জগন্নাথ বাড়ি রোড,

আগরতলা, ত্রিপুরা

দূরভাষ : ৯৪৩৬১২৯৩৬২ / ৭০০৫১৯৯০২৬

ই-মেল : newquickprintagt@gmail.com

প্রচ্ছদ : পুষ্পল দেব

অঙ্কর বিন্যাস : প্রব দেবনাথ

দাম : ৮০ টাকা

আনি কক কিসা

মানি কক ককবরক কুবুয় সাউই সাথথক তেই খীনাউইব' খীনাথথক।
রাঙচাকবাই বাকসা আনি মানি কক মুঙসাবাই সুথথক কীরাই অ সীঙচার'। খানি
ককন' খরকসা তেই খরকসান' রাখক সালাইথানি ককতাং, ককলব.ব'-তীয়মা
মীখাং উরজাকনি জাইজর এবা যাখীরাই কেবেং জাকন' লাইতেসাথে মানজুই
সামুঙ খীলাই মানমাহাই উানামাসিংচা সামুঙ কতরমা তাংগীইমান'। খা বিসিং
চবজাক বাইথাঙনি উানসুকমা, খাকামা, নাহারমা, খা রুউইমান' বুইন' চেৰাই
সাথানি ককলব কক বীতাং দা কুবুকসীকন' ফরফর অ কক হা সাকানি জত' উানসুক
কীরাউরগন' কুবুয় হীনীয় গসি নাহারখা মল কীবাংমা সীকাংগন'। “ককলবনাই
কীরাইখে চবাত কীপলাই অঙ মানয়া”। অ ককমুঙন পুইতু চাউইন' সাল কীবাংমা
জরানি সিমি ককবরক মানি ককন' বুইনি সীকাং মীখাং, খরাং কীপলাই অঙথানি
বাইথাঙন' গীদাল রীনানি চাইতকমানি কিয়া জরান' রীকথারাই সামুঙ তাংমানয়াবাই
খাত মুচুঙমা, খাকামা তঙফান' আখিনি' দীর্গীই থাংখা। আনি অ চিকনসা ককলব,
বীচাব' চিনি হদানি সিরিসিতিনি তঙরাইদা, তাঙ রাইদা হুকুম, মুকুম, সাতক-পিতক,
সেগজাক, কুসুবজাক অব'হাই ককমুঙন' রীর্গীই ককলব কক খলমানি বিসিংতাই
সানানি চাইতকমা নাহারজাকখা, খা চঙগ' আনি অ ককলবরগনি বিসিংতাই খুক
তাঙনাইরগ কিসালে সীরাঙমা খানানী। তুমুঙ চায়া চুকয়ারগ সীয়মানি এবা
খুরচাজাকমানি তঙখে আবন' সেপেংনানি জত' ককবরক সানাই লুকু বসঙনি
বাংগ্রাঅ ককজাগ' খরক কংগীই খা কতয়নি বিসিংতাই।

ককলবনাই :- অশিত দেববৰ্মা

ডিসেম্বর, ২০১৭ইং

ককসীকাঙ

সংদুক নাইফিল তাই হুকুমু তাংখরনিতীয় চাঙ বিসি বুরুম বুরুমন' হাঙ্তেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলব বিজাপরক কারিঅ, অব চিনি সামুঙ বাঁতাঙ'গ খবজাগ। চিনি দফানি সাইকীরাঙ সিনাই-নুগনাইরগ তাইব আবহায় দাল বি দাল বিজাপ সাইথানি সাকথারমুঙ নাথুঙ হিনয় মীচাং অশিত দেববৰ্মানি ককলব বিজাপ কারিনা বাৰ্গাই চাং সাকথারথা।

বিনি অ ককলব বিজাপ' চিনি দফানি তংরাইদা হুকুমু, মুকুমুনি মারিন খবাই ডানসুকমা ফেহেলাই তিসামা নুগজাগ। অ বিজাপ জতনি থানি বেলাই হামজাকমুঙ মানানী খাখীলাইঅ।

আং মীচাঙ অশিত দেববৰ্মান ও ককলব সাইথানি সাকথারমানি বাৰ্গাই বেলাইখে-হামবাই য়াফার'।


সুনীল দেববৰ্মা

দাগিফাঙ

সঙদুক নাইফিল তাই হুকুমু তাঙখর,
ত্রিপুরা হাফাঙ

মুফ্লে ডামুঙ বুকচা
ককবরক ককলব বিজ্ঞাপ
 – অশিত দেববৰ্মা

ফুঙ কীচানে	১	বুসু	২৭
সাম সুনদুৰু ফাঙ	২	নকফাঙ	২৮
কাপ কীৰাক	৩	বুই খীনাউনী	২৯
পাইথাকনি বীলাই	৪	কীৰীঙনি ফান	৩০
দাকতি কীলায়নাই	৫	ৰাজমালা	৩১
সেঙচা কুবুক	৬	বীথাই কীতাল	৩২
মীথাং	৭	বেথায় নক	৩৩
তুমুঙ সিখে	৮	মুফ্লে ডামুঙ বুকচা	৩৪
লাম কলকন'	৯	চবানি হাদুগ'	৩৫
খাতাংমা	১০	উৰাম খার'	৩৬
খুমুলীঙ	১১	কিফিলনা নগ'	৩৭
ৰাঙন' ফান	১২	চেথুটাঙ	৩৮
নখায়ুঙ	১৩	মুইতু	৩৯
মুইতু বীলাইনি তীয়	১৪	আউলি	৪০
সাকফাঙন'	১৫	তাতাল	৪১
তা থাংদি সাইচুঙ	১৬	কীমানু	৪২
বলাই	১৭	তীয় রানতাই	৪৩
নবার	১৮	হাতীকনি খুরি	৪৪
লাইবুমা	১৯	মতম	৪৫
খা থনজাক	২০	খাকাই মানয়া	৪৬
হাদুক	২১	মুঙ মানীই	৪৭
লাকাই	২২	তকসা	৪৮
ককতুন	২৩	তীয়মানি খুগ'	৪৯
চবানি খরাঙ	২৪	অ হানি বাহয়	৫০
বরক	২৫	বুইনি সীকাংগ'	৫১
সীকাং মীচাংতাই	২৬	কীমাংজাক	৫২

সিয়া	৫৩	ত্রিং বিসি তাল	৭৮
ফান	৫৪	সাল হাবনা নগ'	৭৯
গাইরিং কীবাই	৫৫	সীকাংনি তঙথক	৮০
মুকলিলি	৫৬	জরা কীতাল	৮১
মকল পায়াব'	৫৭	সেকপ্রাই	৮২
কক	৫৮	এলেম	৮৩
তাঙবীলা	৫৯	সাকফাঙন' দাগার'	৮৪
মুচুঙমা	৬০	বীখা সাপিগাঁই	৮৫
মুনাম	৬১	হেলেন্সা	৮৬
বুবাথ্রা	৬২	হলঙথাই	৮৭
বসঙনি পান্দা	৬৩	কামি কীতাল	৮৮
খাসিয়া	৬৪	মাঙপিলি	৮৯
লামবুবাক	৬৫	বেঙসীনাল	৯০
থাই কীতাল	৬৬	ডানানা নাংগীলাক	৯১
ডানসুকমুঙ	৬৭	খাকনীয়	৯২
লেলেনা	৬৮	হালক	৯৩
বীসীলাই	৬৯	পিরিং পরই	৯৪
কীসা চাজাক	৭০	থীয় কুতুং	৯৫
হাপুঙ	৭১	লেংপ্রাজাক	৯৬
সালিয়া কক থাইসাব'	৭২	নখা গুরুম'	৯৭
সাকামুঙ	৭৩	বীখা গসিয়া	৯৮
খাচিকমা কীরীই	৭৪	সানমুঙ	৯৯
সাজীলা	৭৫	সেলেংফা	১০০
লেলামা কীরীই	৭৬	কামিচামনি নকথায়	১০১
বাইথাঙনি মীখাঙ	৭৭		

ফুঙ কীচাং

জরানি সীয়কঙ
 বাথ্রং বারীই
 কথমা সীনাম'
 সাকমাঙ মীসাত
 বীখা বিসিং
 ফুঙ কীচাংগ'
 মাইসিং সিয়ারি
 দুবুই দাবাই
 তকসারক রীচাব'
 খাপাঙ উদীলা
 ফুঙ কীতাল'
 সালব' পাসাই
 নখা করম'লালা।
 চুমুই বুদুল
 কবন কচ'
 নখাঅ সালীই
 ডানসুকমা কুথুগ'
 বীখা কক সাত
 ফুঙ কীচাংন' মানীই।

সাম সুনদুরু ফাঙ

সাম সুনদুরু ফাঙ
 বীলাই হয়কীরাব
 লাচিমা কুপুলীঙ
 সাকমাঙ গীনাং গাঁই
 ফাঙ কতরনি
 কীচাং সাকলম'
 কইনেনে কংসাই
 বাইথাংন' মীথাংল'
 বুইনি বিসিং
 ছয়জাগাঁই সিরিং
 গাতি লাম
 তুকু থায়
 সাকমাঙনি রীমায়'
 পানতীয় বীথাই
 খরগ' ছুঙগাঁই
 ছই খলব' সাকফাংন'
 লাচিমা মীথাংগ'
 তীয় থপসা থপনীয়
 লাচিতিতাইন' ফুলুই।

কাপ কীরাব

সেলেং ফানি নখলা
 বরক বাংলাই
 কুথুময়া সীকাং
 হপুঙ থুয়াই
 মকল ফিয়ক
 পাইসুক থুম'
 লেপনীয় লেপথাম
 থুঙ বুপ্রাই মানথাই,
 সেলেং ফানি থানি
 কিসা মিসা কারজাক
 সিয়াই কর'জাক
 লাইজাক সালনি
 খলব ছইজাক
 মানথাই খব্বাই
 থুঙ মানথা য়াফা,
 কাপ কীরাব কাব্বাই
 বীসা কাপ কীরাব
 আবুকতীয় মাচাতীই।

পাইথাকনি বীলাই

খীরাঙ বীফাঙ
 সমচাই সাকমাঙ
 ফুরলেলে চাঅই।
 ফাঙনি বীলাই
 কবন কচ'
 উয়িং চকজাগাই
 নবার দাগার'
 লাইকীরাং লাইসা
 কীরাই ফুরসাসা
 হানি সাকা
 পুংগাই বুরুং
 সাকমাঙ কীতাল নাঅই
 ফাঙ বুচুকনি
 পাইথাক বীলাই
 জরাবাই খাচবজাক
 বাইথাং মাঙবাই চালীই।
 সীকাং রতমনাই
 ফাঙগ' বীলাই
 নাইসিঙ তঙগ' খামাত
 উল' রতমনাই
 ফাঙনি বীলাই
 পাইথাকনি বীলাইন'।
 খা লগ নাইসিং গাঁই
 জরা হাময়ানি
 নবারন' কীলায়বাই কিরিউই

দাকতি কীলায়নাই

বাইথাঙনি খীয় কীরীংজাক
 বসঙন' সিমি
 মতমজাক খাইদা অীংন'
 বুইনি হামন' নাইরীংয়া
 সাক হামনা সিমি নায়
 যাখিলিক কাউই দা মানন' ?
 তীয়মা কতর'
 তখা রুঙ চগাঁই
 বুইবাই বাতায়খাই
 বীসীকলে হামলাঙন,'
 তিনি তঙমাসে
 খীনা তঙগীলাক
 তীমান' খাচিকনানি ?
 উলন' সীকাং
 সীকাংন' উল
 অ ককন' সিখে
 মুঙসাব' খামায়না কীরীই
 মুঙসাব' বাতায়না কীরীই।
 সাকন' তরজাগাঁই
 বুইন' বলাইখে
 দাকতিসে কীলায়নাই ফুরুই।

সেঙচা কুবুক

সাল কীবাং সীকাং
চিনি নকনি
চুচু কীলাংমা
সেঙচা কুবুক কঙসা
ফিলিকসাজাক তাবুকব'
নখা গুরমাই
জিলিকসা ফেরাং
নখানি বাহান' চাংতাই।
আয়াং মাসিঙ
থাংনা' নগ'
চিনি নকনি চুচু
বাগাই কীলাংমা মুকুমু
তাবুকব' চাময়াখী
বলঙ কুথুক সাপিগাই
সামুঙ তাংনাই
চামীরা কুবুক চামতাই।

মল কুসুঙ
সুকথাই, বরা রাচিনি
মুকুমু বাহায়
সেঙচা কুবুকনি
মাঙগ' ফুলজাক।
পিরি বাই পিরি
বসঙ কুসুঙ রমাই
চিনি নকনি চুচু
বাগাই কীলাংমা মুকুমু
সেঙচা কুবুক কঙসা
তাবুকব' চাময়াখী
হলঙ বীথায়'
দা ছলুই চামতাই।

মীথাং

আইসিরি চিরি
থুমা বাচায়াসানি
দগার তগ'
থক থক
কলিং বেল
ককতীমা বীলাই
নক থিগাই
সালবুরুম বাক্‌নায়।
থাইসা কক, সায়া
খরাঙ কিসা মুসুয়াই
ককতীমা বীলাই
দগার খামা
বেসন দাহরুই
কিফিল থাংগ'
বিনি সামুঙ লাম'।
বীলাই লাইসা
কিলয়াইন' দাকসা
ডানামাসিংচা মাঙপিলি
বীলাইনি পুইলা খতল' এবা রেম'
কসম কুমুল
মীথাংগ' সিলচাজাক
লাচিমা মীথাংগ'
লাচিন' খলবাই

চায়া সামুঙ
ডানসুকয়াই তাঙগাই
বাইথাঙনি খুকতীয়
মীথাং গীনাং সিলাই।
কাপ মুনুয় কাব'
আইনাঅ সাকফাঙন' নাইসিগাই।

তুমুঙ সিখে

ইমাংন' ইমাং হীনাই
মুকতীরাই সিখে
কিরিগীলাকখামু তীয়মান',
মীখাং উরজাক তীয়
কিরিমাংসিংচা নুঙইব'
উনা গীলাকখামু বারনান'।

সাক সকয়া
তীয় কাসাই
কীলীক কুফুঙ
বাইথাঙনি মাঙ
সিনিয়া হাপার'
কচগ থাংব'
তখা রুঙ চকনা নাইগীলাকখামু,
খরক সাকাতাই
তীয় লাই
দুদু থাংগাঁইব'
থায়না কিরিগীলাকখামু।
তুমুঙ সিখে
ইমাংন' ইমাং হীনাই।

লাম কলকন'

লাম কলকন'
হপুঙ থুয়াই
কীলাই কিথি হিমখা,
সাক বেলাই
লেংমা বাংগাঁই
খাপাঙ রুউই
বীখা জালা নাংখা।
মকল ফিয়কব'
মুকুমজাক থাংগ'
মুকতীরাই লিকসা ফায়াই
খাচিক খারুম
লামান' হিমাই
হলঙথাই কাউ
য়াকুঙ বুকচা
হিম কদ' হিমাই
লাম কলকন'
হপুঙ থুয়াই
য়াগ' হম'চাঙ তীয়াই।

খাতাংমা

বীফাঙ বচলং
বেদেগ' বাঙই
তকথুসা পুংগ'
খা মেরে মেরে
ফাঙ বুচুক
কুচুক মুরুইঅ
বাসাকন' সুকরেরে সুগাঁই।
ডানসুকমা কুথুগ'
ডানামা কুলুগ'
খুডাসাই পুংগ'
ফাঙ বেচেংগ'
খাতাংমা সতন তুবুই।
খা বিসিংনি
কুথুক থাইঅ
নবার দমসাই
সিব নাংহর'
লেংমা পগ্গই
লেলেজাক খাপাংগ'।
তকথুসা পুংগ'
খা খেনে সারাই
খাতাংমা সতন তুবুই।

খুমুলীঙ

বুবার মতম বাহাই
খুমুলীঙ আরি
কবন হিম'
হিম কদ' হিমাই।
দার গীনাং নবার
তুর কুপলীঙ
সাকমাঙ বিসিং
রুঙ চগ্গই বেরাইঅ
মতম বুবার
বয়ার চাঙবাই বাকসা
সাকমাঙন' বলাই।
চাঙদদ' বয়ার
সাক গীনাংগাঁই মতম
বুবার সাপিগ'
ফুল মতম ফুলুই
খুমুলীই আরি বারাই।

রাঙন' ফান

জরা তঙসানিন'
নক তাঙনানি
বল থুমনানি,
ফান তঙসাকন'
জালাই বখকনা
খেত' মাইচীলীয়
ছগ' মাই বরক কাইনা।

রাঙন' ফান
ফানন' রাঙ
লাম হাচালব' গানা
কীরীইসান'ব' গীনাং
কুথুকন' ক্ষেনে
কুতুকন' কীলাই
খামান' সাকা
মানয়ান' মানথক
হাচেন' কুচুক
জরা নাংফান'
রাঙন' ফান
ফানন' রাঙ।
জরা খাচিকব'
বাথাকরীই মান'
কাসুউই মান' রাঙ
বিনি মুচুঙতাই
জরা হিমফান'।

নখায়ুঙ

তায়ুঙ কতরনি তীয়
নবারবাই বামজাগ'
হা খুরিনি সেউই
চুসা, চুনীয়
তীয় বীথায়
নখায়ুঙগ' রাংজাগ'
চুমুইনি মীথাং নাউই।

বুদুল বুদুল
সমচা ফুরচা
নখানি বাহান'
কুবুলজাক বুমুল
জরাবা কেঙরর'
উরামবা মথাসা।
সালনি মীথাঙ
মিহিম খলব'
ডাতীয় আংগাঁই
হায়ুঙ সাকা নখানি
দউই ফাইনা নগ'
লাচিমা, কর'মা বুমুলন'
সালনি মীথাংগ' সিলীই।

মুইতু বীলাইনি তীয়

আ লামতাই
তা থাঙদি
সাউইব' থাঙখা নীঙ
নিনি মুচুঙতাই।
মতাই সামুঙ
তা খীলাইদি
হীনীয় সাউইব'
খীলাইখা নীঙ
নিনি খা কয়তাই।
হায়-ইরাই
তা সাদি হীনব'
সা-খা নীঙ
নিনি খুক ফায়তাই।
খা সিয়াবা
সিদি হীনীয়
বিতি য়াফারখা নন',
লাম সিনিয়াবা
সিনিদি হীনীয়
লাম ফুনুকখা নন'
য়াসি সুরুই।
হাইকা, হিমখা নীঙ
নিনি মুচুঙতাই
মুইতু বীলাইনি
তীয়ন' সলীই

সাকফাঙন'

সাবন'জানি খাতাংগাঁই
খা বিসিং নাইসিংগ'
খানি দগলাম ফিয়গাঁই
নাসিং নাইসিং
ফুঙনি সিমি চেংগাঁই
দিপর দাম চিনীয় কাখা
সকফায়াখু তাবুকব'।
সাল খরক সাখা
সাতুং হায়ুঙগ' লুউই
খেকনা সেলেজাগ'
মীনাগ' কুলুগ থাংনৌ
অ ককন' সিউই।
হকি লুঙ লুঙ
সাত্রায় দুঙল
মতম মা পায়ব'
খানি আউস' মিথিকসাই
মালাইনা খাতুঙগ'
নাইসিং দগলাম'
য়াকুঙ রুউই
খাপাঙ বেলীই
সাবন'জানি খাতাংগাঁই
খা বিসিং নাইসিংগ'
সিয়া আব'
নাইসিংন'ই সাকফাঙন'।

তা থাংদি সাইচুঙ

বাথাক গ্রাদি
 য়ালৌক নৌঙ
 বাথাক গ্রাদি নৌঙ।
 নিনি লগি তীলাংদি
 আন' নাইসিংগাঁই,
 নিনি লগি তীলাংদি
 আন' য়াক তলৌই।
 য়াপ্রি কাসিলানী
 সাইচুঙ তা হিমদি,
 লাম লকজাগানী
 হাদুক বাংজাগানী
 হিম মাং হিমৌই
 তা থাংদি লামা
 সাইচুঙ নৌঙ য়ালৌক।
 লামা বাংগাঁই
 লাম ফেরনা পগাঁই
 লামজার' কীলাই
 বাইথাঙনি লগিন'
 সিনিনা কর'উনৌ।
 তা থাংদি সাইচুঙ।

বলাই

হালুঙ সাকাত
 রাঙগলা নুঙই
 খাপাঙ মুডানি চাত,
 কুচুক হীনব'
 মাননা খাতুংগাঁই
 য়াখিলিক তিসাই বগ'।
 লামাব' কীরৌই
 বলঙ জাব্রুম
 হাপুঙ কিতিং ফানজাক,
 য়াগ' দা তীই
 হকনা হীনব'
 হাপুঙ খেকসিনি খেকজাক।
 বেজুউ থায়'
 নাঙকুগমা মানুয়
 নাংয়াসীসীক কীলাই,
 নক হুককীরৌই
 বিগ্রা খাংগ্রান'
 লাইতেতেখে বলাই।

নবার

ফান গীনাং
নবার সালোই
ফাঙনি লাই
জাংগিরি জাগোই
দৌর দৌর কৌলীয়'।
লেংসুঙই লেংজাক
বীথায় থায়নাই
বুবার বারনাই
বীসাক গীনাং খীরাঙজাক
জাব্ৰা-সামনি সাকমাঙ,
দুল গীনাং ফাঙ।
য়াকসি য়াথ্রা
সর' সর' খরাঙ
নবার দাগারাই
ফাঙনি বীলাইন'।
খা কীমাংজাক
খা মাসিং চাউই
ফাঙ বেদেক থুঙ।
খীরাঙ বীলাইন'
ফান গীনাং
নবার সালোই
থর থর কৌলৌইব্রাঅ।
সাকমাঙবাই হাচাল'
কাগোই থাংনা কিরিউই।

লাইবুমা

বীখা বিসিং
আরি কৌরোই ডানসুকমাঅ
কক আংগোই পের'
সীলাই কলৌই
থাইসা কক
কক বীতাং চাঅই
রুংজাগোই চাপসা
থাপাঙ খতল'
কক বুচুলৌই
সারোই পিনসাজাক
খানি দগলাম'।
ডানামা খাকামা
রত্ম রবনজাক
বীখা কুথুকনি
ডানসুকমা তীয়াংগ'।
ককথায় কীসার'
গলা বেগ্লাই
থুমুই বীচাপসা
কথমা চাঅই
কীথাং লাইবুমা
লাইসা লাইসা চাবজাগোই।

খা থনজাক

হরজীলাই রীচার'
 থুপুজাক সাকমাঙগ'
 কলকতাই মালীই
 বারসাত বারীই
 সিরদুক তুংজাক
 বসঘনি থীয়'।
 হর কুতুং বাহাই
 নবার দলজাগীই
 পিরসাই পিনজাক।
 বুড়া হুলাই
 ভা কেরেক কেরেক
 ভা মচম
 খা থনচা জাক
 থীয় কুতুঙ বসঙ
 দাংদারি কীচাম
 হুলাই চামতীই।
 কাঁচাং পহর
 লাম গীনাং রুতুগ'
 মীনাক বুমুলন'
 হমচাঙবাই নরীই।

হাদুক

লামা বাংমাসি
 হলঙথায় নরীই
 হিমসিনি হিম মাং
 যাকুঙ থুপুই
 য়াফা চামথা
 সাকমাঙ লেংগীই
 রক'জাক বীখা
 হাদুক থুয়াম'
 খানি আঙস'
 মিথিকজাক পমীই।
 তীয়মা তীয় রানীই
 কেচেপ পায়তীই
 হলঙথায় সাকমাঙ
 আংমানি তীলাই
 হিমখামী লামন'
 বেদেক বুপ্রা পায়ীই।

লাকাই

নবার কতর ফাইফুর
 নক দা কুডাকলাংন'
 নখা সমচাই
 ডাতীয় ডাফুর
 নকসিং দা তীয় কীলাইনাংন'
 অব'হাই আঙনা কিরিই
 খাতন চাপখা
 সতন হালাপখা
 বাইথাংনি হামবারা।
 নুখুঙনি নকন'
 বিয়াল বিখাতা
 বিগ্রা খাংগ্রা
 কুবুলজাকন' খেংগাঁই
 আরিনি থানি লাকাই
 খুক কতয়খে সানাই।

ককতুন

হত্তা মেথিনি বাহায় সাপুল
 ককতুন সীয়মানি
 মা কুথুক
 তীয়ুঙ চাজাক
 বাহান সীকাগাঁই।
 রবন' খাপাঙগ'
 খানি মারি
 আরি রিকজাক বারাই,
 নবার সালাই
 তীয় নিনাংগ'
 কীচাংমা বয়ার
 খা বিসিং রুঙ চগাঁই।
 পুপাকসাই তীয়
 কচগ থাংগ'
 খাপাঙ কীচারতাই
 নবারনি বাহান
 সাপুলাই বাহায়
 ককতুন সীয়মানি
 খা বিসিং
 মতম কুপুলীঙ
 বাহায়ন' সারাই।

চবানি খরাঙ

হাদুলি দুফুং দাফাং
 থীয় চাকসাই
 হরজীলাই বিফরিং রীচার'
 খরগ' চঙকর
 য়াফা মচম সেঙচা কুবুক
 চবানি হাদুগ'
 সেঙকীরাক বুবাগ্রা
 খা কতর ধন্য
 ফান সত'নাই
 চবা তাংলাংখা
 হানি বাগীই।
 কিরাত হানি বাহায়
 খরক কঙসাই
 মতম সুউই
 য়াগ' সেঙ কুবুক তীয়াই।
 চবা তাংখা
 হাদুলি দুফাংসারাই
 নবার দমসাই
 হায়ুঙ কীলীয়'
 কিরি সর' সর' চাউই।
 চবানি খরাঙ
 চবানি হাদুগ'।

বরক

তঙমা তঙ চাং
 চামা চা বারা
 আবন' চিনি দক
 খীনাই থেঙ থেঙ
 বুবুঙ বারা
 চাঙন' হীন' বরক।
 খাব' কীচাং
 মায়াব' গীনাং
 জলিয়া জলিখে থাং,
 হাচাল আঙব'
 সামপা খীনব'
 জেখিনি থাঙব' সীরাং।
 মস'দেঙ ছটা
 হুলা চালাইঅ
 খাংগ্রাই বাহান বুলুই,
 তঙথক চাথকখাই
 সাল হর লাইঅ
 জাদুনি ককমুঙ সাউই।

সীকাং মীচাংতাই

থাংগি থক মতম
 লুখুলাই ফুলব'
 বীসীকলে মীচাংন',
 ফুল মতম ফুলুই
 মীথাং হুসাব'
 বীসীকলে মতমলাংন'।
 সীকাংন' কুরুকজাক
 চাপসাউই রাপজাক
 দামা বায়ীই
 করকরি চাতীই
 তেই দা নাইথকলাংসি,
 খুম মাসে বুবার
 খাজু বেরলাংব'
 সীকাং মীচাংতাই দা আঙসি।

বুসু

লাম গীনাং
 বুসু পুঙজাক
 যাকামসা যাপ্রি
 বারক সেনাব'
 থায় মুকসা কীরাই।
 লাম বতক
 বাংফাই বুদুক কীসীঙ
 লামা কুকুঙজাক
 আরকেরেং বুসু দলীই।
 খাচিং মাল'
 বথপ বুতুগীই
 বলঙ খামচুর
 বাহায় মানুয়
 খাপাঙ উসিগ'
 লামা বারনানি
 বুসু কেবেংগ'
 লাম গীনাং পুঙগীই।

নকফাঙ

নকনি সেলেঙন'
খুক কুতুয় সাউই
খান' মনকখা
সাকনি থায় লুখুলাই,
বীথায় বুমুল সাই,
হালক সীনামখা
খুগ' কক মতম সাউই
মাগ' থক মতম ফুলুই।
সলেঙ খা কসঙ
খাঅ ডানসুকয়াই
নকফাঙ নায়তাই,
নকফাঙ দাগিতাই
লামান' রমাই তঙখা,
য়াক বুলক
কাঙ বুলক
সামুঙ রীমান'
কলমতাই ছয়াই তাংখা।
গলা বুকচান'
তীয় সুপুঙবাই
নকফাঙ সেলেঙন'
নকনি রীখীলাই
হাল-বাজি হীলখা।
আসীক সালনি

খানি পুইতুন'
ডাফিসা থেপচা সীবায়
দুরুপচা সাচুই রীখা
থুঙ সামুঙ
পাইসুগ চাবাই নকনি।

বুই খীনাডানী

পুইতু কুপুলীঙ
খান' তায়াই
চাপলাইমা ককন'
বুইখীনাডানী হীনতীতাইন'
সাখা সেরেকচা'
লামানি কিচিংন'
নক সিঙনি ককন'
নগ'ন' তনদি হীনতীতাইন'
বেরাই বেরাই পিনখা
নকসা নকারি বারীই
খরাঙ সেপ বারীই,
বুই খীনাখাই
সামুঙ চাগীলাক
হীন সিতীতাইন'
চের, রাখক সাবাইখা
কতন' ছই চাপলাইমারকন'
বসঙনি পান্দা
মাই খপসা চালাইফুর
কুর বাঙগা সালাইনী
হীনতীতাই সাতীতাইন'
সাবাইখা বেবাকন'
থুঙ বুপ্রাউই
আউ তকে হীনই।

কীরীঙনি ফান

চবানি কীরাক
সেঙ কীরাক
মেচেন' সেঙচা কুবুকবাই।
লব কীরীঙ
খান' মন'গ'
খাত সীলাকহরীই।
ডা কীরীঙ
ডাই সীনাম'
দালবিদাল মীখাঙ
ডারীক সুরুই।
কক কীরীঙ
বিতি খল' খুকবাই,
ডানসুক কীরীঙ
চাবীই খাত'ন'
কুরুক জাকন' থুমচাই।
লাম সাই কীরীঙ
লামন' ফুনাগ'
য়াক তলীই,
দাল পাইমা কীরীই
কীরীঙনি ফান
খা ডারীই
সীকাং সীরাঙগীই।

রাজমালা

কিরাত হাত বুবাগ্রা
খরক সাড়া চারচিট্রীয়
সাইবা সাইদক
বিসি সীকাংগ'
মল কীবাং রমাই
বুবাগ্রা চালাংমা
তিপুয়া হাত,
আখুলি কিরাত
কথমা কলক
সীয়জাক লাইকীরাংগ'
থুমসাই চাপ্সা
চন্তাইনি যাকবাই
কলমা আইখর বগুই
রাজরত্নাকর মুঙগীই
জের' মুঙ ফিলীই রাজমালা।

বুবাগ্রা খুকবাই
মুইতু খীলাই সাঅ
চন্তাই লাইকীরাং রিগ'
পিরি বাই পিরি
মল কুসুঙ রমুই
বুবাগ্রা চালাংমা
কীথাং লাইবুমা
খুম বকল চাবীই
মালা সুবসাতীই।
চাব' বুবাগ্রা
বসঙনি কথমা
রাজমালা মুঙ রিতাই।

বীথাই কীতাল

নকারি কিতিংগাঁই
 মুইমুঙ বুচলুই
 হামর চগাঁই
 দঙ কাইঅ
 ডাচেং বঅই
 চার সীংগ'
 কীকালনি কলমতাই
 থপচাব' ছয়াই
 বীথাই চানানি
 বীসাক বেলমা
 বীথা বাইসা জরা
 অ থাকামুঙ
 থা বিসিং বাই,
 সালন' বাতায়
 দঅই খাচিগ'
 য়াগ' দামীরা
 খরগ' পাকুরি
 চাংগ' রিতুকু ফানীই।
 জরান' রীকথার
 ফাঙ কীতাল
 দঙনি মালীই চার'
 বীলাই খীরাং গাঁই
 থাই কীতাল তুবুই।

বেথায়া নক

হাথাই কুচুক সাকা
 বীফাঙ ডাফাঙ কুবুলজাক
 লাইথকমা বারা
 তংগাঁই তংথথক থাইঅ
 নুমুঙ খাঅই
 নক সীনাম মানি
 চুক সর'সর' থাইঅ।
 আয়াং উয়াং
 কুফুংমা কীরীই
 নবার নাংগানী খাকাই
 বিয়াল বিখাতা
 মা চায়া, মা নুংয়া
 অগ বুকচা খালীই
 কীপালনি কলমতাই
 তাংমানি নকন'
 তুঙমানি জরা সাতুউ
 ডাতীয়নি জরা ডাতীয়
 মুঙসা কতিমা কীরীই
 বুমুঙ সিমিসে নক
 বুইবাই হীনজাকদ্রক
 সামুংলে মুঙসায়া
 বেথায়া নকসে আংলাংসিঅ।

মুফ্লে ডাসুঙ বুকচা

লাম কলকন'
 দউই হিমনাব'
 লামা গীনাং-গীই সামথাই,
 নবার দম্ দম্
 লেলাই তাংনাব'
 সিমানক কীরাই লামথাই।
 হাপুঙ থাইসা
 বাথাক লেলানাব'
 যাকসি য়াথ্রা ব়ুসু,
 তিলক তীয় চাঙ
 নুংগীই সাকচাংনাব'
 খুক কিতিংগীই তীয়চু।
 থুয়াম' কাসাই
 রক্ই তাঙনাব'
 থামপুই রীচাব' পেরেং,
 ফুল সতম ফুলুই
 মীখাং নাইনাব'
 আইনা কীলাই কেরেং।
 জাদুনি রীচাপ
 খা সীরাংনাব'
 য়াচাকনাই কীরাই কাইসা,
 তীয় কাউসা নীং
 অগ চাঙনাব'
 মুফ্লে ডাসুঙ বুকচা।

চবানি হাদুগ'

য়াক বুকচা
 য়াকন' তিসাই
 চবানি হাদুগ'
 আংমরীই বাইথাঙ
 মেউকীরাক ফান
 বিরিনদিয়া সীনাম
 সাল কলক রমীই
 সাত্‌ক পিত্‌ক
 সেকলাই, বুথারলাই
 থকাই কুসুবজাকন'
 মীনাক বুমুলনি রসাই
 ফুঙ কীতালনি
 সাল ফুনুকনা খাতুঙ
 আংখরখা নীঙ
 অগ বুকচা খালীই
 সাকন' য়াফারসুগীই
 চবানি হাদুগ'।

উরাম খার'

খা কীলাই
 খান' বানদিউই
 মেথেপ বুথেপখা
 খাপাঙ মায়ানি গাতি
 থা পানি হরজীলাই
 বয়ার নাংহরীই
 কবন কচ' চাউ
 খাসিয়া খান'
 হর ফীনাং হরীই
 উরাম খার'
 নখানি তাল
 জরান' রীকথার
 ছয়' নুকজাগ' অীংতীই
 খা কীলাই খান'
 হর সীলাক হরীই
 চাটা চেংগ্রা থীঙতীই।

কিফিলনা নগ'

সাপুঙ সাল কলক
 অগ বুকচা খালীই
 ফাল নগ'
 সাইচুঙ আচুগীই।
 হাটিনি সিনি কুলুকয়া বরক
 কীবাং কক সাউই,
 থুঙ বুপ্রাই
 মানুয় ফালবাই
 মুনুয়রর্ম থুগ'
 মুনুয়মা চুঙই
 কিফিলনা নগ'
 সিনিয়া দলসা
 সিলাই পাঠাম
 য়াগ' তীয়ীই
 য়াফা ফেহেল
 টেক্র সান'
 হানি বুবাগ্রা

বাইথাঙন' সীনা'মীই।
 জুলি কুপুলীঙ
 রাঙ মানমারক
 সেগ তীলাংন নাইঅ
 তালথাম, তালব্রীই সাল
 জরা কলগনি
 মানথায় সান' টেক্র
 য়াসি সুর ফুনুগীই।
 কিফিলনা নগ'
 নাংবার' হাটিনি।

চেথুডাঙ

চেথুডাঙ ফাঙ
 বস্ক কীসাই
 বীতা হানকনি মুকুমু
 মালা ফাঙনা
 রাথারাই মীতাই
 সুবুক সেরেম
 বাহান পাইসুর্গাই।
 বীলাই খীরাংগ'
 বলঙ কুথুগ'
 হানি মুকুমু আংগাই।
 মা-ফানি থাপাঙ
 থা থামজাক
 কুডাকনা লাইতাই
 চেথুডাঙ বাইনা লায়াই।
 হানক-বীতান'
 বেদেক সিনকীলাগাই
 নগিঅ তীলাং আংথা।
 গাইল্ খুগ'
 কীপাল বিরিমান
 বাইথালে' কথমা সাউই
 “লক চেথুডাঙ লক
 দিদি বাই আন'
 কইনানি হীন'
 লক চেথুডাঙ লক”।

মুইতু

সাল বালুকথা
 নকনি অংখরমানি
 কুনদিরি রিগজাক
 যাকামসা বারাই।
 সালসা সালসা
 সাল লায়াই তাল
 তাল পায়াই বিসি
 সেনা কীচার
 বুইস' কীচার'
 নবারনি বাহান
 সাগ' নাংফাই,
 তকসানি খরাং
 খুনজা বুফাই
 জাদুন' খাতাং
 খা বিসিং মুইতু ফায়'।
 তাখুক বুখুক
 বসঙ সান্দাই
 কীরীংসা কুথুমলাই
 নিনি মুঙ রিউই
 তকচিঙন' মালা রীঅ।
 বিসি খনাই
 বিসি তাল ফায়'
 মুকুমু কীথাং চুউই
 জাদুন' মুইতু মান'।

আউলি

আরি কিতিংগাঁই
নকারি তঙব'
খরাঙ যাচাকনাই
কক সাচঙ
তাঙচর' তঁইচর' বিয়াল
রাঙচাকনি খুরি
বুবাগ্রা খর আউলি।
নবার দমঁই
বীলাই নিনাংমা,
উাতীয় লমঁই
তীয়সানি তীয় পুপাকমা খরাঙ
ফুঙ আইনা নগ'
তগলা কচিকমা খরাঙ
দিপর খেকলাইনা নগ'
জাদু কলিজা খরাঙ
খীনায়া আউলিঅ
রিগ্গা মালমানি,
মালমুঙ মালমানি

বরক বাংগাঁই
কক বাংমা খরাঙ
কবন' কচগ'
আউলি তঙথাই
গুপাত বীসকাংতঁই
লাইঅ খরাঙ মেচের সাউই।
আরি বাই থাইসা কক
খুক মানজুলাই
খা গীদাল তঙয়াইন'
বুবাগ্রাখর তঙথক আউলিঅ।

তাতাল

সালে সাচুয়াই
ককন' মানজুঅ
ককদুকনি বিসিংতঁই
মকলবাই নুকসায়া
লাম হাচালন'
য়াখীরাই বউই।
খান' মীলাগ'
খান' মেথেবঁই
খীনাথক ককন' সাউই।
কক দুগ' কক
ককতীমা সীনাম
সিয়া ককমুঙন'
খরাউ খীলাই সাহর'
বাইথাঙন' সিনিদি
বুইনি মীলাই
অ কক কুবুয়ন'
খরাঙ চাংখে সাই।
খান' বানদি হর'
চায়া সামুঙ তাংগাঁই
তাতাল ককন'
কুবুয় সীনামঁই।

কীমানু

হাকচাল' থাংগাঁইব'
 চা কথক,
 তঙ তঙথক,
 সলা কুপুলীঙ
 রাঙ মানব'
 বাইথাঙন' সিনিয়াই
 অমথাইনি থাই
 রাঙচাকবাই বাকসা
 হানি বাহায়
 নকবার ডাতীয়
 লামা হাদুলি কবনমান'
 কর'উই তা পগ।
 সীরাইমুঙ নাংগানী
 মা, ফানি
 তাখুক বুখুক
 বসঙ সান্দাইনি।
 গাইল' নাংগাঁই
 নুখুঙ কীমানু
 চাথক, তঙথক
 মীরা'সা বিসিং
 কবনসাই থাংগানু,
 থাপানি হরজীলাই
 নবারবাই দরজাক
 সিনিয়া হামুঙগ' কবনতীই।

তীয় রানতীই

লাম বুবাক কীবাং
 লামা হিমথানি
 সিনি কুলুগয়া
 লাম নুগব'
 তীঙসা লামতীইন' হিমদি।
 য়াফা বুকচা
 রাঙ কীবাং মানব'
 তালিখা হাময়া
 কীপাল চাঙব
 হা কিসিল তা মীনীয়দি।
 মাইসিং কীচাঙমা
 তালসাবাই পায়াতীই
 য়াফা কুপুলীঙ
 রাঙ বীতাং তঙব'
 লকন' নক চাকয়া
 মাইগুলা রচঙব'
 সাতুংনি জরা
 তীরশা তীয় রানতীই
 সীরাইসা রানীই মান'।

হাতীকনি খুরি

সাইচাঁও বাসীরা
 হাচাঁকনি খুরি
 লাম বুপ্রা তীঙসা
 তঙ কুবুই গীনাং।
 হিমনাই কীরাই
 থাঙনাই কীরাই
 আ লামতাই
 হাতীক খরাঙ সারাই
 রিংহর তঙব'
 ডানসুকনা রীঙয়া তাবুকব'
 কুবুই লাম রিংমান'।
 তীয়মা তীয়জীলাং
 তিয়ারি চাউনৌ,
 মুসুই মুখুরা কক মানানৌ,
 জরা তঙসিনি
 খুনজু কাইচময়াথে
 লাম বুপ্রা তীঙসা
 কীমাই থাঙগানৌ।
 ফাইদি দাকতি
 যাপ্রি সেলাইনী
 হাচাঁকনি হুলুক পুঙয়াসানি,
 বলঙনি তমসা কচিকয়া সানি
 হাচাঁকনি খুরি কিফিনাই থাংনৌ।

মতম

সাক বাইথাঙন'
 আঙ হীনীয় সিনিউই
 তনখা সাকন'
 কুচুগ খতল'।
 আরিনি বসঙ
 যাপ্রি কাসিল
 লামজার বাসকাংগ'
 কীলীয়বাই কীলাইজাক
 অ কক সিটাইন'
 যাক ফলকয়াই
 যাসি সুর'
 বাইথাঙন' কেতাই।
 হা কিসিল মুনুয়'
 বাইথাঙনি বাহায়ন' সিমি
 মতমসিনি মতমজাগাই।
 আরিনি বরকন'
 সিনিউইব' সিনিয়া
 যামুকসা হাচাল তনাই।

খাকাই মানয়া

সাল কীবাংমা
সীকাংনি সিমি
মাইরাঙ কাইসাত
মাই চালাই
গাতি খরসা
তীয় নুংলাই,
লাংগি থাইসানি
থক মতম ফুললাই
তঙলাই ফায়জাক
হীনীয়ন' রাখক
খুক পেরাই সাখা
পুয়তু কুপুলীঙ
খান' তীয়াই।
বুই সিয়া ককন'
ফবাই তনজাক
ককমুঙ ককবিতিন'।
সীবাইখা খান'
নি নি তঙমুঙন'
খাকাই মানয়া
সামুং তাংমাবাই।

মুঙ মানাই

সাকন' য়াফারসুগীই
তাংখা সামুংন'
খরকনি কলমতাই
থপসাব' হুসায়াই।
মকল' মুকতীয়
বারসাই মুনুয়'
কারা থীংগ'
লিলাক পুপাক
সামুঙ তাংমাঙ।
সাল থেগীই
হাবা নাইখীলাইখা
বাইথাঙ তাকজাক
বুমুল দক গীনাং
মুঙ মানীয় তরম'র'
মারি সিজাগীই হদাঅ
বুইনিসাই চুকর'র'।
নাইখীলাই নাইসিকনা
থপসাব' মুইতু কীরীই
রাঙচাক তঙথকন' মানাই।

তকসা

অ হায়ুঙগ' তকসা
 পুঙমাবাই খীনাথক,
 বয়্যার চাঙগী
 খাপাঙ সীরাংথথক।
 নখা খামা বিরীই
 চুমুইবাই মীচাং,
 বেদেগ' বাউই রীচাব'
 লবসাই থিলিমাং।
 সুকবাই চামুং
 খুকবাই বথপ
 চাপসাওই থুব',
 খুকবাই পুঙগ'
 খুকবাই মুগ'
 খুকবাইন' চামুং
 বাসা খাসিয়ান' তুগ'।
 অ হায়ুঙগ' তকসা
 পুঙমাবাই মীচাং,
 বীকরাং ফেহেল
 সীরাংগীই খাপাঙ।

তীয়মানি খুগ'

তীয়মা তীয়জীলাং
 লম্ইই সাকমাঙ
 দারনাং কচগ'
 হা আরি
 য়াসিচীক এরীই
 হাচিং বীলীঙ
 কবন্ই কচগ'
 তীয়ন' হালক সানীই।
 বর' থাকনাই
 উানসুকব' সিয়া
 থাংগ' তুর
 অমথাই দন্ই
 বানকুনদিরি নবার
 সাপুলজাক উাতীয়
 তীয়ন' বাতাই
 নখা গুরম'
 উাতীয় উাঅ
 তীয়মানি খুগ'
 মকলনি মুকতীয়
 য়াসি চীকবাই তুঙই।

অ হানি বাহায়

আখুলি য়াফাঙগ'
 বুমুল সাই তাকজাক
 দক গীনাং বুমুল
 সিরিসিতি রাইদা
 কামি খাংগ্রা
 নকসা নকারি
 কামি কিতিংগাঁই
 মানি মাইখা
 বাহায় সাপুলজাক
 জাদুনি এ হু হু
 রাগা কীসারজাক
 অ হানি বাহায়।
 তাবুক কীমাংগাঁই
 কুবুন বাহায় কুবুলগাঁই
 বসঙনি পান্দা
 আচুক লেলা
 তীয় কাংসা
 মাই খপসা
 চানা হিনব'
 সুন্দুরমা চাউ
 বাইথাঙনি কায়ান'
 সিনিয়া আংগাঁই।

বুইনি সীকাংগ'

বিসি তীঙ কলক সীকাং
 উানসুকমা খচরজাক
 কিরিমা খারিমা জরা
 ব' ককমুঙন'
 খাপাংগ' চুইই
 খা কতর উানসুক
 উানা মা কুথুগ' কুলুগাঁই
 হলঙ কীবাক স্কয়া
 বাথাই কতন'
 বেরাউই হুইজাক।
 মাইতীক বুথুগ'
 সরক খল বাই
 বুই নুকয়াতাই।
 সাল বালীক
 মতম বাহায় রানাই
 মুনাম কুসুম
 য়াকবাই নরাঁই
 তীয় চাংবাই সুচাই
 বুমুল তাগাঁই

চাংসাসা নাইথকন'
 য়াসি সুরাঁই ফুনুকখা
 লুকু বীসকাঙগ'
 রি সরই ফানজাক
 বারা বাইচিং
 হুই তনজাক মুকুমুন'
 বুইনি সীকাংগ'
 দাকসা ফুনুগাঁই।

কীমাংজাক

য়াফা বুকচা
 সলা বুপ্রাই
 হাটিনি লাম'
 কীমাংগাঁই কীমাই
 সরাং কীরাই
 খুগ' কক থাইসা
 যাক কপর্ম
 সলা বিসিং বুকচা।
 য়ামরক খরাং
 খুনজু বুফাইঅ
 মুরুই মুরুই চাঅই।
 লামদুক বুপ্রা
 নাইচমব' কীমাত
 সিনিয়া হাদুক লগাঁই,
 সলা চাকয়া
 রাংচাক বীমাই
 কীমাংজাক থাপাঙ
 হাটিনি লাম'।

সিয়া

জরান' মীচাং
 বিসিঅ উইসত্রা
 হায়ুঙ কিতিংগাঁই নুউাই
 বেরাই মানিব' বেরাইলিয়া,
 পানথরন' মীচাং
 করুটা খরাঙ খীনামানিব' খীনালিয়া,
 বীফাঙ বীলাই খীরাংসাই
 মীচাঙ তঙমানিব' খীরাংসালিয়া,
 দঙগর চলঙ তীয়
 বাখলাই কচকমাব' কচকলিয়া,
 বারিনি খুমতয়া মতমমানিব'
 বারিঅ মতমলিয়া,
 বেদেগ' বাউই
 তকসা জনিজঙ পুঙমাব' পুঙলিয়া,
 হাপুউন' মীচাং
 থাইপলক থামাব' থাইলিয়া,
 খা কয়ীইদা
 লাচিমা বাংগাঁইদা
 জলিমা হাবীইদা
 আহাইবা আঙথা সিয়া।

ফান

মকলবাই নুকসায়া
 আরি কতরমা
 সুসাই তাঙথকয়া
 নাইসিগাঁই হাবান'
 ফনা নাকাকসা,
 দনা চিখাকসা,
 ফান থিখীলাই
 কলমতাই সক'রুই
 সীরাপসা তাঙখা
 কীবাক সকয়া
 বুরিইফাঙ কত'নব'
 দিরাংসা খীলাইমান'।
 বলঙ কুথুক
 জলাই বখগাঁই
 মাইচীলাই সারাই
 বিসা খালিসানি
 কারিয়া রচঙ মানতাই।
 বিয়াল কীরাঁ
 বিসি খনাই
 বিসি কিফিল ফাইব'।
 ফান থি খীলাই
 কীপালনি কলমতাই
 য়াসকু থিখীলাই
 তাঙবায় তাঙথে।

গাইরিং কীবাই

সাকমাং গীনাংগাঁই
 গাইরিং তখাথি
 সিলজাক সমচাই
 বাইথাংনি কায়া
 হুজাগাঁই কীমাত।
 উরীক ফানচিলি
 চাবাই খাতনজাক
 কেঙরর' কেঙথু
 উখক খুউকচাই
 নুকাচুকনি দাংদারি
 হুজাকয়াব' চামজাক
 দামরা কীচাম চামতাই।
 গাইরিং য়াখিলিক বজাক
 ফুরচাই ফন'
 কুউাক বায়তাতাই
 য়াপ্রি ফুঙসা সানাই।
 তাবুকব' উরাম
 মকল কিতিংগাঁই
 মুকতীয় য়রচাত
 গাইরিং কীবাই
 খা খামজাক মীথাং
 সাকমাঙন' নাইসিগাঁই।

মুকলিলি

মকল মুকলিলি
 ফুলাং নাইসিকমা
 বীখাঅ ফেরাং কগ',
 কক সামাব'
 মুনুইমা সাপুল
 খাপাঙ উদ্দিলা চাঅ।
 থামচি মীখাং
 চাকসাই চাগ'
 সিমিলা ডাকসা চাকতাই,
 খরাঙ মুসুমা
 কুতুয় বুলুই
 বীখান' সীলাকহরীই।
 এরেঙ তংগীই
 থাইসা কক কীরী
 খুকচাইন' উরমাং,
 কক সায়াব' মুনুইররন
 মুসুই মকল
 নাইসিকতাই ফুলাং

মকল পায়াব'

সাইনা রীঙয়াব'
 ডানসুক কীরীঙ
 হামুঙ সিনিয়া
 কক সিয়াব'
 কক কীরীঙ।
 বুই হা থাংগীইব'
 বাইথাং হা তঙগীইব'
 তঙনা তঙ কীরীঙ
 চানা চা কীরীঙ।
 লুকু পজা
 খরগ' রুজুই
 বসঙ কীতালন'
 কীতাল লাম ফুনুগীই।
 হাদুক কলক
 সীরাপসা লেলায়াই
 হিম কদ' হিমীই
 বিগ্রা খাংগ্রানি
 সমজাক মীখাংগ'
 ডানামা কতর
 হুসাই নরীই
 খুগ' মুনুইমা পের রীই।
 মকল পায়াব'
 এলেম কীরীঙ
 থামসাথে চাবীই।

কক

ডানমুকমা কুথুকনি
 খাপাঙ খতল'
 লাইকোরাং রিগাঁই
 খা বিসিং কক
 মীখাঙ কীরাইন'
 দুল গীনাং
 রীচাব মুসাঅ
 ইমাং মকল'
 খরাং কীমাই কক
 খুকন' লগি সানাই।
 কুড়া কুথুকনি
 ডানসুকমা হাপার'
 ডায়িং নারাই
 কক কবনসাই
 লিলাক পুপাক
 খরাং মুসুয়াই
 খুকনি অংখরনা
 কিসা সীকাং দর'র'
 কক খরাঙ আংগাঁই
 ককল' খুকনি।

তাঙবীলা

সাচলাঙ সাল সেকেরাই
 মাইসিং সাল জরা
 কবলজাগাঁই অ হাপার
 সিয়ানি দুবুই দাবাই।
 সিনিলাই মানয়া
 কাইসা তেই কাইসান'
 হাপুঙ কীরীংসা
 হুক চালাইব'
 তাঙবীলা জরাঅ।
 সিয়ানি কল'বাই
 মীনাক পিরজাগ'
 পহরনি সাকমাঙগ'।
 খরাঙ সিমি পের'
 হাপুঙ বারাই।
 জাদুনি রাগা
 ককথায় আংগাঁই কব'ন'
 নবারবাই বাকসা
 পানতীয় বীথায়ন' সল'ই।
 তাঙবীলা জরা
 তাংবায় তাংগাঁই
 হাপুঙ হাথাই বাথ'গাঁই।

মুচুঙমা

মুচুঙমা তঙমাবাই
 বিগ্রা তাংগ'
 কলমতাই থিকীলাই
 গীনাং আজিঅ
 অগ বুকচা খালীই,
 মুচুঙমা তঙমাবাই
 কুচুক যাখিলিক
 দুমসাই কাজাগ'
 বলঙ হগীই
 লামা ফুকজাগ'।
 মুচুঙমা তঙমাবাই
 রাংচাক রিচাক
 মাই খুল,
 থাই চিখাকসাতাই
 বুলাই, তকলাই,
 ডালাই, সুকলাই
 অ নাইথক সৌঙচার'
 মুঙমা তুবুই ফায়াফান'।
 সৌরাপসানি ফাইমা
 'মুচুঙমা কুপুলীঙ
 খাপাঙগ' চবীই।

মুনাম

বলঙ গেঙমা
 মায়ুঙ কীথীঙন' সিমি
 কীলীইব্রাই কীরীই
 নকসান' তঙমানি
 লকারি সানীই।
 সাল বালুগীই
 পুঙবাইখা তাবুক
 কামি কিতিংগীই
 নকন' নক চাকয়া
 হাথাই কুপুলীঙ।
 রৌচার কবন'
 জুদা বুবারনি বাহায়
 চিরিংসাই মুনাম'
 মতম বাহায় রানীই।

কুসুম কস্ক
 নবারনি লগি
 রঙ চগীই বেরাইঅ
 কামি সাকা চেঙগীই
 কামি চুক খুউই।
 নবার দাগার' তাবুক
 নকসিঙনি রমীই
 খাকীলাপ তাঙগীই
 সীকাং নখ'লা
 উল' লামা
 পাইথাগ' কামিনি।

বুবাগ্রা

খিবাই কাবুজাক
 তীঙ কলক সাল'
 বুবাগ্রা চাউই
 হরন' চাঅ
 হরন' খিঅ
 খরক কিসাব' কঙয়াই
 খাঅ কিরিমা
 মীখাংগ' লাচিমা
 থপসাব' চবয়াই।
 কক সাত
 খরাঙ তরীই
 হান' মুরগ'
 হা আরি রিগীই।
 লুকু নাইকল'
 হামারি পিনীই
 থাই কতরমা
 থুমসাথে চাবীই
 হানি বুবাগ্রা।

বসঙনি পান্দা

য়াকীরাই কাদুল
 হাদুলি কবন'
 বসঙনি পান্দা
 সুমুই, সাইরেন্দা
 ককথায় খল রীকথার'
 জাদুনি রাগান'।
 দাংদু চঙপ্রেঙ
 য়াফা খরব
 খরাঙ মর'গ'
 তীয় কাংসা সানীই,
 য়াকতীকনি বাল
 কতকনি গানথি
 য়াক বুলগ কল'
 সারুকন' লগি নায়ীই।

লাংগা, দিংগ্রা
 খুনজু কাইচম'
 এ হু হু খরাঙন'
 য়াসি বুলক হরীই
 হইজা রানসাজাক
 খাম কথা
 সিরদুক তুঙগীই
 বাথরং বার'
 সিরিসিতি হুকুমু
 আমানি মুকুমু
 বসঙনি পান্দা
 মাই থপসা চায়
 খাজা বুউই
 মুসামা নুগীই।

খাসিয়া

খাসিয়া খান'
খাপাঙ চব্বাই
মায়া কুপুলীও
রীমায়' কীসার'।
বাইথাঙনি থীয়
বাহায় মতম
কীলাই কিথি রুতুগীই
বলঙ সাক সকয়া
জাব্রীম উসিগ'
য়াকনি দাস্
কিরিই কীলীয়'
য়াফা মচম
ডা কেরেক কেরেক
ডা হুলাই
খা সিয়া খান'
খাপাঙগ' চব্বাই।

লামবুবাক

রাঙচাক হাথাইনি
লাম বুবাকন'
কীলাই কিথি রুতুগ
লেংজাক হামা সউই।
বীকাঙ খামা
অ জরা দলসা
তুইসুমু কসম
খাঙগ' সিলীই
খুগ' কুপুলীও
ককথায় বলায়ীই
য়াসি সুরুই
লাম ফুনুগ'।
সীরাপসা কদ'
হিমখাইন' তেই দলসা
খুক রীবাই গীনাং
খুক কীতীয় সাপুল সীংগ'
আয়াং বিয়াং থাং?

উয়াংতীই থাংদি।
সুনদুরমা চাঅ
কুবুই দা লাম কর'খীন'
সাকনি বাহান' থিচিগীই
হিমলাংগ' আ লামতীই
রাঙচাক হাথাইনি
লাম বুবাকন'
খাচিক খাফ্রম রুতুগ
হিম লেঙখা
লামা লাম কলক
য়াঙখে হিমীই তঙমা
আ লামব' এরেঙ।

থাই কীতাল

থাই কীতালনি
 আরি সগাঁই
 মিলিং মালাং চাজাক,
 থা নিনাংগাঁই
 কক কীলীয়াঁই
 সাগ' ফলা কীমাংজাক।
 বাইআঙনি কান'
 মিহিম মিহিমাই নাইঅ
 বায়াপ চারিনি মীথাং
 কিচিঙ কীতালনি
 থা মানজুজাকয়া
 থাই কীতালনি থাপাঙ,
 য়াকসি য়াথা
 নাইসিগাঁই নাইব'
 মকল লকসাউই আমাং।
 থাই কীতাল'
 থা কীতাল আঙগাঁই
 সাইচুঙ সাক কাইসান'
 লাইঅ কক সামাং।

ডানসুকমুঙ

অ খাজানি তাখুক
 অ খাজানি বুখুক
 য়াথা য়াক জাঅ সুঙচাউই
 দেব্রা য়াক খাংগা সুঙচাউই
 থাপাঙ ডানসুগাঁই নাইদি,
 হদা অকরা বীসকাং হিমাই
 হদানি কুসু লগিসঙ রিউই
 দফা হামকীরাই
 হানি হামকীরাই সানদি।
 এরেঙ তঙমাসি খীলাই তঙয়াই
 সেলেমা চুউই সেচাই তঙয়াই
 সামুঙসে তাঙনা খাইদি।
 বীসকাং হিমনা
 বুইন' লাচিউই,
 উকলগ তঙনা
 লগিসঙ রিউই
 খাঅ তা ডানসুক বাইদি,
 জতন' বীসকাং হিমদি
 খা কতর খীলাই।

লেনেনা

থাংগা য়াক সুংগাঁই
ককয়া কক ডানসুক
নক সীকাং তীয়কাতলা
রৌউই খাপাঙ
মীখাঙ সমীই।
তুর' কচকজাক খুমু
কীলীক কুফুং
কচগাঁই থাংগ'
দাগার সাকমাংন'
সাকানি খামা
কীতাল থাইঅ
লেনেনা রতুগাঁই।
বুবার চীনাজাক
হইরর'ম হই
থাংগা য়াক সুংগাঁই
থাইসা কক সায়া
ককয়া কক ডানসুগাঁই।
লেঙজাক সাকমাঙ
ডানাসিনি উনাই
থুয়াম রতুগ'
য়াং উয়াং
লেনেনা খাতুংগাঁই।

বাসীলাই

সীলাই কলখে কক
খুকনি অঙথর'
সাপাঙগ' চাবাঁই
ককমুঙ বুচুলীই।
সীলাই মুঙ দালসা
বেলাই উনামাসিংচা
খান' সিকিরীই,
খান' মেথের,
খান' বানদি,
খান' সীলাকহরমান'।
হকি বিফরিং
চিকনসা ফান' কুবুই,
বলঙ কতরন'
সকচাই মানতী
সীলাই মুঙ দালসা
বেলাই কিরিমাসিংচা
হর ফীনাং
হর বীথারীইমান'
তীয় থপসাব' নাংয়াই।

কীসা চাজাক

বীথা বিসিং
 চাজাক কীসান'
 বানদি তুবুই
 লাম হাকচাল
 কীলাই কিথিখে বারখা।
 থায় চাংগ'
 য়াপ্রি সেফাইব'
 থীয় কীসার
 কীসা চাজাক
 সা বিসিং।
 সিনি সিনি দুনুক
 সাপাউ রীডাই
 বীসাকন' জালা রীখা।
 হাতিনি বিথি তুবুই
 কীসা থেনাব'
 ডানসুক থকয়া আব'
 মা বিসিং
 কুথুক থাইঅ
 চাজাক কীসা।

হাপুঙ

ফুঙ আইদর'ব'
 সাল পাসাই
 নখা খীরাংগাঁই
 হাঅ মীচাং,
 দুমা বাইসা
 সুঙই নীংখে
 বীসাক তংথগাঁই
 খাপাঙ সীরাং।
 গাইরিঙ কিতিংগাঁই
 মুই কুথুঙ
 নকবারি খবাই
 মুই মুঙ,
 ফুঙ আইদর'ব'
 হুগ' থাংমালে
 বীথায় কুপুলীঙ হাপুঙ।
 খাপাঙ সীরাংনা
 ককয়া দা আব'!
 অ তাখুক
 অ বুখুক মায়াজাল সউবা।

সালিয়া কক থাইসাব'

চিরিক মকর' কক সালাই
 মাইতীকনি ফেনা
 মুন্না সীকাং
 থাপান' জাংগিরি
 নিনাং কুতুগতাই,
 বরক কবর
 এরেঙ কক সাঅ,
 হামুঙ সিনিয়া
 খুক থাকয়া
 কক সাঅই।
 বসঙ পান্দাঅ
 কুতুগ তংলাইব'
 সালিয়া কক থাইসাব'।
 বাখা বিসিং কক
 বেগীলাই খুক চাকয়া
 তিয়ারি, তীয়বম চাব'
 সালিয়া কক থাইসাব'।
 কক সাঅইব' এরেঙ
 খীনানাই তঙগীলাক
 অ ককন' সিঅই
 সালিয়া কক থাইসাব'।

সাকামুঙ

বলঙ গীনাং
 হর ফীনাং,
 হুক রুগাই
 মাই কইনা নাং।
 বাচাংগ' বেরাই
 খাচিউই চেমপাই
 দামীরা তান' ফুঙসা,
 বিসি কিফিলাই
 তাঙবীলা ফাই
 কইনা নাঙগ' মাইসা।
 দামীরা খুরুই
 মাইচীলাই কই
 দা বরক কুবুক হক্থাঙ,
 মাইন' কই
 লগি দরমপাই
 বুদুক মালসাই থাইথীঙ।

খাচিকমা কীরাই

ডাতীয় থপসা থপনীয়
হায়ুঙ সাকা কীলাই
কীরানন' কিসি খীলাই।
নবার দমসা দমনীয়
কবন সিবসাই
খাঅ মাকচাংমা মানখা,
বীফাঙ ফাঙসা
বীলাই কুপুলীঙ বেদেক
মীচাং তংগীই
সাতুঙ তুঙব'
হানি বরকনি
লেংলানা সাক্লাম আঙখা।
কিসাব' খাচিকমা
ফনাসাব' খাসামা কীরাই
খাদালা খান'
খা বিসিং চুউই
লুখীলাইঅ ডাতীয়
হায়ুঙ সাকা কীলাই
কীরান ন' কিসি খীলাই।
খাচিকমা কীরাই
মায়া কুপুলীঙ ডাতীয়।

সাজীলা

আলুলু দুলুলু
গীনাং নকনি সাজীলা,
চীরাই ফাঙসিনি
মায়া মানীই
কক রীঙগীই বাখীলা।
চামা নুকথে
চানা সান'
রাঙ নুকথে
পাইনা সান'
রিচুম নুকথে
কাননা সান'।
খুগ' কীরাই খুকরীবাই
কক সাঅ রাকথথ',
কিসা মিসা কুতুকজাকথে
কক সায়া বরথথ'।
মা ফান' কিরিয়া
বুইনি সীকাং লাইরর'
সামুঙ মুঙসা থলখে
খারাই থাংগ' দদর'।

লেলামা কীরাই

সাকমাঙ তঙব'
 বাইথাউন' সিনিয়া
 মকল ফিয়কব'
 সীঙচারন' নুকসায়া
 লুকু বসঙন'
 য়াক তলাই
 লাম ফুনাগীই
 সাল-হর বাতায়
 য়াথ্রা য়াক তিসাই
 মানথাই চিরিখক সানখা,
 বসঙনি তঙথায়'
 রীঙ বাহায় পিনীই
 চায়া থাকামা নরীই।
 সাল কীথাং মুকুমনাইন'
 সাক দাগার সচাখা।
 উরবক কীথাংন'
 উরীক চিরীই
 উকুম জাকুম বসঙন'
 চাবসাই সাতনখা,
 কীরীংসা আচুকলাই
 ককবিতি চাপলাই।
 কিরাত হা গীনাং
 নবার চাঙ সিবসারীই
 মরকবা, মরকদক সিক্লা
 রীঙ চবা সঙচাউই।

বাইথাঙনি মীখাঙ

হাপুঙ কাখীলাই
 লামদুক কুফংগ'
 মীখাঙ হুজাগীই
 বাইথাঙনি গরন
 হাচীক দক গীনাং
 কীমাং কীমাউই
 হানি বাহান
 কুডাকসাই কুডাগ'
 লামজার সাকা
 বারা বাইচিং
 বান থেসাই
 য়াপ্রি সঙনা
 লাম কম'র'
 থাপুঙ কাখীলাই
 লামদুক কেসেব'
 মাঙ কীতান নাউই।
 সাকমাঙ গীনাং
 গরন মীলাই
 বাইথাঙ মীখাঙ কীমাই।

ত্রিং বিসি তাল

ফাইখাদী চিনি
 ত্রিং বিসি তাল,
 ত্রিপুরা দফানি
 তঙথকমা সাল।
 সিক্কা সিক্কা যাক রমলাই
 বিসামা কলীই ফাইখা
 ত্রিং পালাইনা বাগীই।
 নাইসিকদি বঙনি
 বিসামা কলজাক
 সিক্কা খাজাঅ রিসান' সরীই
 সিক্কা খরক পাকুরি হুঙগীই
 সা, নায়, থাম, ব্রীয়
 চাঙলে লেখাউই
 ককতি, তাঙসালন'
 মুইতু নারীগীই
 সিরিসিতিনি ককন'
 খাঅ চুউই,
 ত্রিং বিসিতাল
 চাঙলে পালায়নাই।
 আখুলি তাঙমানি
 আখুলি কানমানি
 ফিরগ তুবুলাই ফায়নাই।
 চুচু আচুইনি তাঙমুঙ তীইমুঙ
 আমানি তাকমুঙ, লুবমুঙন'
 চাঙলে সীরীঙনা নাঙনাই।

সাল হাবনা নগ'

সাপুঙ সাল কলক
 নখা বুচুকনি কীসারীই
 কসর কীলায়'
 হায়ুঙনি মীথাংগ'।
 করম' বুমুল
 হাথাই কতর'
 চেংখারীতীই চুঙগ'
 সাল কীথাংগ'।
 হামুঙ সিনিয়া
 অ হানি মানুয়
 চুঙখরব খীরাং
 সাল পহর নাংগীই।
 জরা লাই
 সাল খেকরীরীক
 হায়ুঙবাই চাল'
 কুতুঙ হকিথাই
 তীয়চাং চাউই।
 সাল হাবনা নগ'
 নখা য়াফাঙ
 চাকসাই করম'লালা
 হায়ুঙ কতরবাই
 লাম কলক চালীই।

সীকাংনি তঙথক

সীকাংনি তঙথক
 সীকাংনি চাথক
 বর' কীমাউই থাংখা,
 চুচু আচুইনি
 মুকুমু নাইথক
 বিয়াংব' কীমালাংখা।
 সিরিসিতিনি তাকমুঙ লুবমুঙরক
 সাউই সাথথঙ
 মানি ককবরক
 জুদা মীখাংহাই খারীক
 আগিনি দাঙদু আগিনি সাইরেন্দা
 আগিনি চঙপ্রেঙ
 বিয়াং কীমাউই থাংখা,
 মায়' বাবুনি তাঙবিতিরকন'
 সাব' সীরাউনই তঙখা?
 সারিগ' সাল হাবখে
 মীনাক কবল'
 মা ফাব' সান' রীতীগ'
 বলঙনি তকসা তকসিরকব'
 সাল হাবখে বথপ রীতীগ'।
 সীকাংনি তঙথক
 তাবুক কীরীইখা
 উানা মাসিংচা জরা সকফাইখা।

জরা কীতাল

মাইসিং সাল জরা খিবাই
 হাবখা কীতাল জরা
 মাইসিং জরানি কিচিং
 সাচলাঙ হাম বারা।
 বলঙনি মুসুই মুখুরা
 লরীই রীচাব'
 ককথায় কীতালন' খলীই।
 হানি বরকনি খাত
 উানসুকমা কাত
 তাঙ চানা ককন'
 খাপাঙগ' পমীই।
 বলঙনি তকসা তকসি
 ফাঙ বেদেগ' বাউই
 সাকফাঙন' সুকরেরে সুঙুই,
 সীরাপসা কদ'
 হামা কলক হরীই
 হেনের রীচাব'
 জরা কীতালন' লামসগীই।

সেকপ্রাই

সাকনি সিরদুক
বাদুখীঙ কগাঁই
থীয় রীচার'
সাকমাঙ গীনাংগাঁই।
বাইথাঙনি সীকাং
মাইখীলাই বেরাজাক
থরচা সেকপ্রাই
মকল বীসকাং
সাল কীথাংগ'।
সাকফাঙনি সীকাং
খুডাক মুডাক চাই
অগ খুয়জাক
অগন' সালীই
থুম খাতিউই
চানা আচুগী
বসঙ সানদাই থুমুই।
সেকপ্রাই চাউই
বাইথাঙন' মুনুই
নখীলা দুদু থীঙগ'
সাকনি সিরদুক চাংন'
তুঙফীলা রিউই
হকি কুতুঙ
সাকমাঙগ' লুখুলাই।

এলেম

খরক বিসিং
ডানসুকমা কুথুগ'
পজা হরীই
খলজাগ' এলেম
ডাজাগ' লাঙমা
য়াক কঙসা
কঙনীয় থানসা অীংগাঁই।
মীখাং নাত
সাকমাঙ চাউই
নুখুঙ চাবজাক
বিতি খলীই।
এলেম দালসা
সামুঙ তাংগাঁই
খরগ' হিম'
খাসাঅ বেরাই
সাকনি থুঙ
মানুয় থিগাঁই
সামুঙ ফীনাংগাঁই।

সাকফাঙন' দাগার'

যাপ্রি সঙগাঁই
 হিম সীকাং
 সাকমাঙ লাম'
 দুউরি রুতুগাঁই
 সাকফাঙন' দাগার'
 সাকমাঙন' তাংগাঁই।
 সীকাং থাই
 উসুল রাউই
 য়াখিল্লি রেম
 কারা রাপজাক
 এঙসা কাউই
 মা কদ'
 হিম লাম'
 হাদুলি দুফুংরাই।
 সাকফাঙন' দাগার'
 সাকমাঙ তাংগাঁই
 মুকদগ হিমজাক
 লাম হাচালন'
 মুকসা যাপ্রি তুবুই।

বাখা সাপিগাঁই

খানি বুঙরী।
 বিসিং কুথুগ'
 খাত'নাই চুজাক
 সিতিরা কুসুগন'
 রকসাই তিখীলাই
 'মাইতীক হুজাক
 চুঙসাই চীনাই
 সাম' ফাইবা
 মীখাঙ সীরাং
 খা কীচাং
 বিসি তীঙ কলক
 থাপা হর নাঙ
 সমচাই কসম
 তীক হুজাক
 চীনাসাই চুঙগাঁই।
 খান' সাপিগাঁই
 হাময়া সিতিরান'
 ডানসুকমা কাহামবাই
 হুসাই হুখে
 খাপাঙ ফুরয়া দা তঙন'।

হেলেংসা

লাম বুবাগ'
হাচিং বিফরিং
মকলনি ছউই
খাঅ ডানামা
ডানসুকমা চুজাক
খাপাঙ তীয়াই
হাথাই কীতাল'
য়াকুঙ বেরাউই
এঙসা কাউই,
য়াখিলিক নায়সাউই
মীখাংগ' তুইসুমু
সিলয়াউই সম'
হলউথাই হিলিক
খরগ' রুজুই
লাম কীচার'
মুনুয়র'র'ম খুগ'
মুনুয় নাইথক
খগ' মীচাং
খাপাউন' সীলাকহর'
ডানা পজা
হেলেংসা রীউই।

হলঙথাই

অ হা সাকানি
হখায়ুঙ বাহান'
চুমুই সমচা ফুরচা
বুমুল সামলালায়তাই
বাকরাং ফেহেল
য়াচিং উকলগ সুরুই
বিরাই ফাইফুর
তীয়নি তাখুমসা বদল
সিক্লা সকচাই
সীকাংন' মুসাজাক
তীয়ুঙ কুথুকনি
তীয় খরাই ফারজাক
খা বিসিংনি নখ্লা
হাদুলি কবনসাই
হলউথাই বীখা
খাপাঙ উদীলা চাউই।

কামি কীতাল

বলঙ হগাঁই
 আরকেরেঙ বসু
 থাই গীনাং পুঙজাক
 য়াগ' দা তীই
 হকসাই নরীই
 তাংমা নক
 কামি কীতাল খাউই।
 রিংখা তাখুক বুখুক
 বসঙ সানদাই
 মাই খপসা চলাইন'
 কুরুম কুথুম
 কীরীংসা আচুকলাই
 অ ককমুঙ কীচার
 ককতুন সারখা
 নবারনি দম'
 খীনাউই দখীং
 খাদালা তুবুই
 বলঙ হগাঁই
 নক তাংমা
 কামি কীতালনি নখলা।

মাঙপলি

বাইথাঙন' এলেমি থাকাউই
 বানক সীয়' কায়া
 ইমাং হাপার' সামপ্লি
 খানি বিসিং
 বাইথাঙনি মাঙপ্লি
 সমচাজাক কায়া
 মুয়তু খীলাই
 ডাঅ সুকুরংগ'
 বাইখান' সাপিগাঁই
 ডানসুকমা দুলুই
 সীনাম' কায়ান'
 বগখা লাইকীরাংগ'
 বাইথাঙনি মাঙপ্লি।
 সাকন' সুনদুরচাই
 নাইসিগাঁই মীলাং
 আব' তাম' আংলাং?
 সমচাই বুমুল
 সাকফাঙনি সামপ্লি
 খা কুথুগ বিসিং সীয়
 তাগমানি মাঙপ্লি।

বেঙসীনাং

রাঙচাক নুখুঙগ'
নকমা নক কিতিং
সীংজাক কীরাই
খুতুঙ তুঙসা।
সাল বালুকখে
বরক এরাই
কক বাংখা।
নক বীনাংগাঁই
নাতাইনি কেঙগাঁই
খুতুঙ সুতুচাই
নকসিং পুঙখা
বেঙসীনাং মালীই।
রাঙচাক নুখুঙগ'
তীমান' চাপসিনাই
উল সীকাং
বিতি খলীই।
বেঙসীনাং খুতুঙ
নক গীনাং সীংজাক
বেজুডা লামা কেসেপ
হিমথকয়া লাম চাউই।

ডানানা নাংগীলাক

বীথায় থাইসান'
নীঙ নাকাকসা চাখাই
আন' চিখাকসা বাকদি,
তিনি নিনি হাবা
খীনা আনি হাবা
কীথাই তংগানী ফাইদি।
নীঙ রাঙ, মাই গীনাং
আঙ বিগ্রা খাংগ্রা
সীঙচার হীনফান'
চাঙ কিচিং চাঙ
চুবালাই তঙখে
কিরিনা কীরাই থপসাব'।
বীথাই থাইসান'
চা-খেলে বাকলাই
রাঙ কীরাই হীনব'
মাই কীরাই হীনব'
ডানানা নাংগীলাক মুঙসাব'
খাঙসা য়াক সুংগাঁই
চাঙ কিচিং চাঙ
চুবালাই তঙখে।

খাকনীয়

সীরাপসা কদ'
জরা বিসিং
থাই কীরীংসা
মীথাং কীতাল
সামলালায়' নুকলাই
সালসা সালসা
সাল লায়ীই
থা মানথা
য়াখীরাই বজাগীই।
ককমুঙ সালাই
বীথা মানুয়
বায়াপ আংথা
সাল খেগীই
জরা মচ'র'
সাল হাব সীকাং
কিফিলনা নগ'
য়াখীরাই বজাগীই
থা বাই থা
মানজুজাক থাংমা
খুতুঙ সত্নীই
দুরুপচা চতীই
খাকনীয়খে চউ
জরা কিসানি বিসিং।

হালক

হা সাকা ফাইমা
বরক মুনুইসু হীনীয়
বাকলায়' আরিন'
খাকলায়' চাঙন'।
হা চিখাকসা
মানুয় মুঙসা
বাকনা থাংথানি
চাঙ কিচিং চাঙ
নরীই, খাগীই সীকাগ।
বাহান বুখীয়বাই
কীরীংজাক হালক
বলে কুবুয়সে কীরাগ।
থা বাই থা মানজুই
'বুইনি, আনি হীনয়াই
থা নাঙ
য়াপ্রি বারকথাই
থীয় থানসায়া ফান'
কীরীং মানীসে হালক।

পিরিং পরই

যাপ্রি সাংগ্রাই
 ফুঙ কীতালনি
 সাল কীচাংন' রীকথার
 হিমলাই মাং লেংখা।
 লামজার মত'ল'
 কক সালায়মাং
 তত্ৰা খুকতীয়
 রানসিনি রানীই
 সীকাংন' চাপসা
 খাত্ন মথাসা
 খাজাকব' কেঙগ'
 লাম গীনাং
 পিরিং পরই চাউই।
 হাদুলি কব'ন'
 সাকমাঙ কিতিংগীই
 সাল কীতালন' রীকথার
 পিরিং পরই চাউই।

থীয় কুতুং

সাকনি বাহান
 থিচিক নাইবা
 হারচাজাক রাগীই
 বীসাক বিসিং
 থীয় কুতুং কগ'
 দার নাংগীই
 সত্ন কচগ'
 সিরদুক লাম'
 কুথুক কীচারতীই।
 খা সীবাম
 খামীই কুডাগ'
 হর কুতুং নাংগীই
 থীয় তুংফীলাই
 সাপাঙ কিচিগ'
 সিরদুগ' কগ'
 থীয় কুতুং।
 সাল কীথাংগ'
 মীথাংগ' খুকতীয়
 বুই সীকাং সারজাগীই।

লেংপ্রাজাক

হাতল গীনাং
 মতম বাহায়
 কিয়গ পিনজাক
 হাপুঙ গীনাংগাঁই
 বলঙ খামচুর
 সিরিসিতিনি হুকুমু
 সুমুয়, সাইরেন্দা
 রীচাপনা লগি সানী
 য়াকনি দাম্ৰা
 সুনদুরমা চাউ
 কীলীয়বাই লেংগাঁই।
 সাতুঙ, উতীয়ব'
 লগি সানী
 মুসা কসঙ মুসাই
 হাতালনি নখলা
 দুন দুলগ
 বলঙ বাহায় রীচার'
 জরাবাই মীচাং।
 দাম্ৰা কুবুক
 চামসাউই লেংপ্রাজাক
 সীকাংন' তাংগাঁই
 মাইচু মাইখা
 চায়াসানিন' খেংগাঁই
 তাঙ বায়া তাংগাঁই।

নখা গুরম'

সাকনি কলমতীই থিকীলাই
 পিসারজাকন' থুমুই
 যাং আয়াং কবনজাক
 সাচলাঙ হাবনা সীকাং
 বীফাঙনি বীলাই
 নবারবাই দাগারজাগাঁই
 ফুরুই ফুরুই কীলাইঅ
 হা সাকা পুঙগাঁই।
 উতীয় ফায় সীকাং
 ফায়খে দউই থাকগীলাক
 অ ককন' কিরিউই
 বীলাই লাইসা, লাইনীয়
 লামা লামপ্রা
 উরুম জারুম কীলাইজাক
 সাকনি বাহানবাই চালীই।
 লেঙজাক সাকমাঙ
 নখা গুরম'
 উতীয় উানা সাকীং।

বীখা গসিয়া

তীমা বীখা
 সানীই তুবুখা
 সায়নাই কাইথরসাবা
 তীমা খান' রহরখা
 আয়াং থাংখে
 যাপ্রি কাসিলনাই
 হীনীয় সিউইব'
 আয়াংতাইন' থাংনা সীরাং
 বীখা ওই ওই
 মুচুঙমা খাতুউমা
 হরনি লামতাই হিমখে
 সাগ' হর নাংনাই
 হীন সিউইব'
 হরবাইন' কারা থীঙখা
 খান' সিচিগাই
 সাচাই মানজুব'
 আতাইন' খাতুঙফিরখা।
 বীখা গসিয়া কিসাব'
 সেই তেই কাহামন'।

সানমুঙ

লাম কলক লামব'
 হিমলাই নাইখা
 খরাঙ সিচিকলায়ব'
 কক সালাইখা
 রাঙচাক হাথাইনি
 খাচুক হা আরিন'
 কাসীলাইনা কিরিই।
 রাঙ গলান'
 রীদি হীনব' সানয়া
 রুকফাই জামবাই
 মাই চানাব' সানয়া
 অমথাই থীয় কীলাই
 হালক কীরীংজাক
 লুকু বসঙনি থাই
 তীয়মা তীয় তরীই
 কচকনা নাইমা
 আবন' থেনা
 হলঙ সাপুলজাক
 হাদুল কীরাক
 খা বাকসা
 কক থানসা আঙনা
 ফানসে চিরিগ সানী।
 খরাঙ চিরীই বসঙন'।

সেলেংফা

খীলাইনা সিয়া হীনব'
 খুক কতয় সাউইব'
 য়াগ' চেমবুকসা তিসাই
 খীলাইদি হীনখা।
 সাতুঙ কীপরাপ
 সালন' মন'গাঁই
 সাকন' মন'গাঁই
 সাকনি কলমতাই
 থপসা হুসায়াই
 তাঙসিনি তাঙব'
 তা বাথাকদি
 তা লেলাদি হীনখা।
 বরকব' চিকন
 বসঙব' চিকন
 তঙমুঙব' কুসু
 কক সিতিরা তিখীলাই।
 খুকবাই কুতুগাঁই
 সেলেংনি সামুঙন'
 নাইচম নাইসিগাঁই
 য়াগ' চেমবুকসা তীয়াই।
 রাঙ, মাই থাই গীনাং
 ফান গীনাং সেলেংফা।

কামিচামনি নকথায়

বিসা হীনথানি
 বিসি দগ কাউইব'
 কামিচামনি বাহায়
 রীচার বেরায়'
 আনি খাপাঙনি রীমায়'।
 গাতি লাম
 তুকু থাই
 চেরাই খাসিয়া,
 সিক্লা বসলক জরা
 তাবুকব' মকলনি
 নুকমুঙগ' লাইতেতে
 তীয়মুক কীচাঙগ'
 সীরাইসা নুকতাই।
 সামপ্লি রীকথার'
 সাকমাঙনি লগি
 মীনাকসাই থাঙব'
 য়াকার ফাইনা সীকাং
 খাচি চিঙ খাত
 খাতাংমা কুপুলীঙ
 তাঙখা আখিনি'
 কামিচামনি চামজাক
 রাঙচাকবাই বাকসা
 খাপাঙনি বারা
 কামি কীচাং
 কামিচামনি নকথায়।